

أولادنا

# Auladuna

2026(UP)600-002/042(54)

## Syukur Dengan Keistimewaan

Mu'jizat Nabi Sulaiman  
*'Alaihihsalam 6*

Kuiz Minda: Kenali Sejarah Nabi  
Muhammad *Shallallahu 'alaihi wa  
sallam 9*

Info Auladuna: Cara  
Menyayangi dan Menghormati  
Kawan OKU 10-11

Ingin Tahu: Hari  
Antarabangsa Orang  
Kelainan Upaya (OKU) 14



# Kandungan Auladuna

- |  |   |
|--|---|
|  <b>3</b> Kalam Auladuna      |  <b>12</b> Amar Ma'ruf           |
|  <b>4</b> Asma'ul Husna       |  <b>13</b> Nahi Mungkar          |
|  <b>5</b> Pengenalan Surah    |  <b>14</b> Ingin Tahu            |
|  <b>6</b> Mu'jizat Nabi       |  <b>15</b> Sambung Jawi          |
|  <b>7</b> Belajar Bahasa Arab |  <b>16</b> Baca dan Salin Semula |
|  <b>8</b> Asah Minda          |  <b>17</b> Sesuai dan Padankan   |
|  <b>9</b> Kuiz Minda         |  <b>18</b> Kenali Masjid        |
|  <b>10</b> Info Auladuna    |  <b>19</b> Benda Tersembunyi   |
|  <b>11</b> Info Auladuna    |  <b>20</b> Doa                 |

## Anggota Redaksi

### Ketua Editor

Hajah Ruzaimah binti Haji Ibrahim

### Penolong Ketua Editor

Qairunnisa binti Haji Jalil

### Penyelaras

Suriati binti Haji Ali Hussin

### Pemasaran

Zaerah binti Haji Mus  
Hajah Margawati binti Abd. Rahman  
Mohammad Adi Shahrul bin Mazziz  
Nurul Nabilah binti Masri

### Pembantu Penyelaras

Nor Hafidzah binti Haji Hamidon  
Hajah Ratna Wati binti Haji Abd. Karim  
Mohammad Zeliha bin Ahad  
Azizah binti Hidup  
Rokiah binti Haji Mohamad Serudin  
Dahlan bin Chuchu  
Pengiran Yusdi bin Pengiran Rumbli

### Atur Huruf dan Reka Bentuk

Suriati binti Haji Ali Hussin

## KITA SEMUA ISTIMEWA

السلام عليكم ورحمة الله وبركاته

Hai adik-adik!

Tahukah adik-adik siapa yang dimaksudkan dengan Orang Kelainan Upaya (OKU)? OKU ialah kawan-kawan kita yang mempunyai keupayaan yang berbeza. Ada yang berjalan lebih perlahan, ada yang kurang penglihatan atau pendengaran, dan ada juga yang belajar dengan cara yang berbeza.

Walaupun begitu, mereka tetap ciptaan Allah yang istimewa dan perlu dihormati serta disayangi.

Golongan OKU juga adalah sebahagian daripada masyarakat kita. Melalui mereka, kita belajar untuk lebih bersyukur dengan ni'mat yang Allah berikan. Contohnya, apabila kita melihat orang yang tidak dapat melihat, kita lebih menghargai ni'mat penglihatan. Apabila ada yang tidak dapat mendengar atau bercakap, kita semakin mensyukuri ni'mat mendengar dan berbicara.

Dalam Islam, kita diajar supaya saling membantu dan berbuat baik sesama manusia. Sepertimana terjemahan makna surah al-Ma'idah ayat 2 yang mafhumnya:

*...Dan tolong-menolonglah kamu dalam kebajikan dan ketaqwaan dan janganlah tolong-menolong dalam dosa dan permusuhan (melanggar hukum-hukum Allah).*

Jika adik-adik bertemu dengan kawan OKU, hormatilah mereka. Bersikaplah baik, bantu mereka jika perlu, dan jangan sekali-kali mengejek atau mentertawakan mereka.

Ingat ya adik-adik, walaupun kawan OKU berbeza daripada kita, mereka tetap kawan yang hebat. Menyayangi mereka menjadikan kita anak yang baik hati dan mulia serta mendapat keredhaan Allah *Subhanahu wa Ta'ala*.



## YANG MAHA MEMULAI

Bagi Allah *Subhanahu wa Ta'ala*, al-Mubdi' bermaksud Dialah yang memulakan penciptaan makhluk dari tiada kepada ada.

Semua penciptaan bermula daripada Allah *Subhanahu wa Ta'ala*. Segala sesuatu ada permulaan kecuali Allah *Subhanahu wa Ta'ala*.

## AL-MUBDI'

*Sesungguhnya Dialah yang memulakan (penciptaan makhluk) dan yang mengembalikannya (hidup semula).*

(Terjemahan Makna Surah al-Buruuj: 13)

Ciptaan Allah *Subhanahu wa Ta'ala* unik dan asli daripada tiada kepada ada. Berhentilah seketika untuk merenungi keindahan ciptaan alam supaya kita lebih mengenali Tuhan.



سورة عَبَسَ  
سورة عَبَسَ

## Surah 'Abasa

Surah ke-80  
Mengandungi  
42 Ayat

'Abasa bermaksud bermasam muka. Surah ini dinamakan 'Abasa kerana pada permulaan ayat ini Allah menyebutkan tentang perbuatan Nabi Shallallahu 'alaihi wa sallam berpaling daripada seorang buta yang hendak bertanya sesuatu kepada Baginda. Baginda ketika itu sedang menyampaikan da'wah kepada beberapa orang ketua kaum Quraisy Mekah. Perbuatan Baginda tersebut telah menyebabkan Baginda ditegur secara langsung oleh Allah melalui turunnya surah ini.

Surah ini juga menjelaskan tentang konsep persamaan dalam Islam yang tidak membezakan antara orang kaya dan orang miskin.

Allah mengutuk mereka yang ingkar. Allah memperingatkan tentang asal kejadian mereka sehingga peringkat dan tempoh kematian.

Surah ini diakhiri dengan gambaran tentang malapetaka hari Kiamat dan keadaan manusia ketika itu.

## NABI SULAIMAN 'ALAIHISSALAM



**N**abi Sulaiman 'alaihissalam ialah putera kepada Nabi Daud. Baginda dikenali sebagai seorang nabi dan raja yang sangat bijaksana serta mempunyai kerajaan yang besar.

**A**llah *Subhanahu wa Ta'ala* mengurniakan beberapa keistimewaan dan mu'jizat kepada Nabi Sulaiman yang disebut dalam al-Qur'an.

### 1. MEMAHAMI BAHASA HAIWAN

Nabi Sulaiman mampu memahami dan berbicara dengan haiwan. Dalam surah an-Naml ayat 18-19 diceritakan bagaimana Baginda mendengar percakapan sekumpulan semut. Baginda juga berkomunikasi dengan burung hud-hud yang membawa berita penting kepada Baginda.

### 2. JIN TUNDUK DI BAWAH PERINTAH BAGINDA

Allah menundukkan golongan jin untuk membantu Nabi Sulaiman. Mereka melakukan pelbagai pekerjaan seperti membina bangunan, membuat bekas besar dan melakukan kerja-kerja berat sebagaimana disebut dalam surah Saba' ayat 13.

### 3. ANGIN TUNDUK KEPADA NABI SULAIMAN

Allah juga menundukkan angin kepada Nabi Sulaiman. Dengan izin Allah, angin membawa Baginda dan tenteranya bergerak dengan sangat pantas ke tempat yang jauh. Perkara ini disebut dalam surah Shaad ayat 36.

### 4. KERAJAAN YANG BESAR DAN HEBAT


Nabi Sulaiman mempunyai kerajaan yang sangat besar dan kuat. Baginda memerintah manusia, jin dan juga haiwan. Semua kekayaan dan kekuasaan ini adalah kurniaan Allah kepada Baginda.

### 5. KISAH WAFAT NABI SULAIMAN

Apabila Nabi Sulaiman wafat, Baginda berada dalam keadaan bersandar pada tongkatnya. Jin-jin yang bekerja tidak menyedari kewafatan Baginda sehingga anai-anai memakan tongkat tersebut, lalu tubuh Baginda jatuh. Kisah ini disebut dalam surah Saba' ayat 14 dan menunjukkan bahawa jin juga tidak mengetahui perkara ghaib.

**P**engajaran untuk kita: Walaupun Nabi Sulaiman mempunyai kerajaan yang sangat hebat, Baginda tetap bersyukur dan taat kepada Allah. Kita juga perlu sentiasa bersyukur atas ni'mat yang Allah berikan.





# NAMA-NAMA HAIWAN DALAM BAHASA ARAB





# CIARI EJAJAN JAWI DI BAWAH INI

هيبت سوکوڠ کاون بنتو سوڤن  
صبر سپوم سايڠ تولوڠ حرمت

ل	م	ر	ث	س	و	ي	ك	ا	ك
س	ر	ع	و	ث	ي	ب	ق	ش	ه
ا	و	ك	و	و	و	س	ف	ك	ي
ي	و	ق	ك	م	ر	و	ب	و	ب
ع	ق	ن	ص	ت	ا	چ	ي	ر	ت
ع	ي	ب	ف	ع	و	ل	و	ت	ض
ج	لا	ن	ر	ت	ا	ة	ب	ع	ك
ز	ج	ت	ن	ب	ن	ف	و	س	ت
ة	ب	و	ا	ب	ح	ع	ب	ر	ك
ص	د	ج	س	ر	ش	ة	ب	ا	ع
ب	ب	ن	م	ي	ل	و	و	م	ن
ر	و	ت	ت	ر	ب	ن	ا	ف	ص



# JOM KENALI SEJARAH NABI MUHAMMAD SHALLALLAHU 'ALAIHI WA SALLAM



Uji pengetahuan adik-adik tentang kehidupan Nabi Muhammad *Shallallahu 'alaihi wa sallam*. Pilih jawapan yang betul bagi setiap soalan. Selamat mencuba!

1

Bilakah Nabi Muhammad *Shallallahu 'alaihi wa sallam* dilahirkan?  
a) 12 Rabiulakhir b) 12 Rabiulawal c) 12 Jamadilawal

2

Siapakah nama ayah dan ibu Nabi Muhammad *Shallallahu 'alaihi wa sallam*?  
a) 'Abdullah dan Aminah b) Ali dan Fatimah c) Abu Thalib dan Aisyah

3

Siapakah nama ibu susuan Nabi Muhammad *Shallallahu 'alaihi wa sallam*?  
a) Ruqayyah b) Ummu Aiman c) Halimatus Sa'diah

4

Berapakah umur Nabi Muhammad *Shallallahu 'alaihi wa sallam* ketika ibunya wafat?  
a) 12 tahun b) 8 tahun c) 6 tahun

5

Siapakah yang menjaga Nabi Muhammad *Shallallahu 'alaihi wa sallam* selepas ibunya wafat?  
a) 'Abdul Muthalib b) Abu Thalib c) Abdul Wahab

6

Siapakah yang ditemui Nabi Muhammad *Shallallahu 'alaihi wa sallam* ketika Baginda mengikuti bapa saudaranya berniaga ke negeri Syam?  
a) Pengembala Kambing b) Paderi c) Hartawan

7

Apakah gelaran Nabi Muhammad *Shallallahu 'alaihi wa sallam* sebelum baginda dilantik menjadi nabi?  
a) Al-Hakim b) Al-Amin c) Al-Malik

8

Siapakah isteri pertama Nabi Muhammad *Shallallahu 'alaihi wa sallam*?  
a) Saiyidatina Khadijah b) Saiyidatina Aisyah c) Saiyidatina Hafshah



# CARA MENYAYANGI DAN MENGHORMATI KAWAN OKU

INFO  
AULADUNA

**Kita boleh menyayangi dan menghormati mereka dengan:**

## BERMAIN BERSAMA

**K**ita ajak mereka sertai permainan seperti kawan-kawan lain. Jangan biarkan mereka duduk seorang diri.



## MEMBANTU MEREKA

**S**edia menolong mereka bila perlu. Ini membuat mereka gembira dan kita pun belajar bersikap baik.



## MENGHORMATI PERBEZAAN

**T**idak mengejek atau mengusik kawan-kawan yang berbeza.



10





## BERCAKAP DENGAN SOPAN

Menggunakan kata-kata baik dan mesra bila bercakap dengan kawan OKU.



## MENDENGAR DAN MEMAHAMI

Kalau mereka bercakap atau bercerita, dengar dengan sabar dan fahami perasaan mereka.



## GALAKAN BERBUAT KEBAIKAN DENGAN MEMBERIKAN KEGEMBIRAAN

عَنِ ابْنِ عَبَّاسٍ رَضِيَ اللَّهُ تَعَالَى عَنْهُ، قَالَ: قَالَ:  
رَسُولُ اللَّهِ صَلَّى اللَّهُ عَلَيْهِ وَسَلَّمَ: إِنَّ أَحَبَّ الْأَعْمَالِ  
إِلَى اللَّهِ بَعْدَ الْفَرَايِضِ إِدْخَالُ السُّرُورِ عَلَى الْمُسْلِمِ.

### Maksudnya:

Daripada Ibnu 'Abbas Radhiallahu Ta'ala 'anhu  
katanya: "Rasulullah Shallallahu 'alaihi wa  
sallam bersabda: "Sesungguhnya sebaik-baik  
amal di sisi Allah sesudah sembahyang fardhu  
ialah menimbulkan kegembiraan di hati seorang  
muslim."

(Hadits Dhaif riwayat Imam ath-Thabarani)



## Larangan Mengejek Orang Lain


يَا أَيُّهَا الَّذِينَ ءَامَنُوا لَا يَسْخَرْ قَوْمٌ مِّن قَوْمٍ عَسَىٰ  
أَن يَكُونُوا خَيْرًا مِّنْهُمْ وَلَا نِسَاءٌ مِّن نِّسَاءٍ عَسَىٰ أَن  
يَكُنَّ خَيْرًا مِّنْهُنَّ وَلَا تَلْمِزُوا أَنفُسَكُمْ وَلَا تَنَابَزُوا  
بِالْأَلْقَابِ بِئْسَ الْأَسْمُ الْفُسُوقُ بَعْدَ الْإِيمَانِ  
وَمَن لَّمْ يَتُبْ فَأُولَٰئِكَ هُمُ الظَّالِمُونَ ﴿١١﴾

### Mafhumnya:

Wahai orang-orang yang beriman! Jangan satu kaum mengejek-ejek satu kaum yang lain, boleh jadi kaum yang diejek itu lebih baik daripada mereka, dan janganlah pula (satu kaum) perempuan mengejek (satu kaum) perempuan yang lain, boleh jadi (kaum) perempuan yang diejek itu lebih baik daripada mereka. Dan janganlah kamu mencaci sesama kamu dan janganlah pula kamu panggil-memanggil dengan gelaran yang buruk. Seburuk-buruk panggilan ialah panggilan fasiq sesudah seseorang itu beriman. Dan sesiapa yang tidak bertaubat maka mereka itulah orang yang zalim.

(Surah al-Hujuraat: 11)





# HARI ANTARABANGSA ORANG KELAINAN UPAYA (OKU)

Hari Antarabangsa Orang Kelainan Upaya atau *International Day of Persons with Disabilities (IDPD)* disambut pada 3 Disember setiap tahun di seluruh dunia.

Hari istimewa ini diperkenalkan oleh Pertubuhan Bangsa-bangsa Bersatu (PBB) pada tahun 1992. Tujuannya adalah untuk mengingatkan kita semua supaya lebih memahami, menghormati dan menyokong rakan-rakan kita yang merupakan Orang Kurang Upaya (OKU).

Mengapa hari ini penting?

Hari ini disambut untuk:

- Meningkatkan kesedaran tentang cabaran yang dihadapi oleh OKU dalam kehidupan seharian.
- Menggalakkan penyertaan penuh OKU dalam sekolah, tempat kerja dan masyarakat.
- Memperjuangkan hak dan peluang yang sama rata untuk semua orang.
- Menghapuskan diskriminasi serta halangan seperti bangunan yang tidak mesra OKU atau sikap yang kurang memahami.


Siapakah OKU?


OKU ialah individu yang mempunyai pelbagai jenis ketidakupayaan antaranya:

- Fizikal - Kesukaran bergerak atau menggunakan anggota badan.
- Penglihatan - Penglihatan terhad atau tidak dapat melihat.
- Pendengaran - Kesukaran atau tidak dapat mendengar.
- Pembelajaran - Kesukaran memahami atau memproses maklumat.
- Intelektual - Perkembangan intelek yang berbeza.
- Psikososial - Berkaitan kesihatan mental dan emosi.



SILA ADIK ADIK SAMBUNG  
EJAAN JAWI BERIKUT





BACA DAN  
SALIN SEMULA

Adik-adik, sila baca dan salin semula  
doa "Melihat Perkara Yang Disukai" ini  
dengan kemas dan teliti.

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ



CUBA ADIK-ADIK TANDAKAN  BAGI PERBUATAN YANG BAIK DAN TANDAKAN  BAGI PERBUATAN YANG SALAH





# MASJID AR-RAHMAN KAMPONG TANJUNG BUNUT

Masjid Ar-Rahman, Kampong Tanjung Bunut dibuka rasmi oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam pada Hari Jumaat, 14 September 2018.




Masjid yang boleh menampung lebih kurang 1,260 orang jemaah ini dibina di atas tanah wakaf berkeluasan 1.48 ekar. Masjid ini adalah masjid yang pertama menggunakan peruntukan perbelanjaan dari Tabung Dana bagi Pembinaan Masjid Negara Brunei Darussalam dengan peruntukan berjumlah BND3,560,000.



Kemudahan yang disediakan di masjid ini adalah seperti Dewan Sembahyang Utama Lelaki, Ruang Sembahyang Perempuan, Bilik Kuliah, Bilik Perpustakaan dan Teknologi Maklumat, Pejabat Pentadbiran, Bilik Tetamu, Pejabat Imam dan Bilal, Tandas dan Tempat Berwudhu' Orang Berkeperluan Khas Lelaki dan Perempuan, serta bilik Pengurusan Jenazah.



**Cuba adik-adik cari  
benda-benda yang  
tersembunyi di  
dalam gambar ini**



**Gunting, Kacamata, Kotak Tisu,  
Pembaris, Pemadam, Roti Sandwic,  
Pisang, Telefon, Bunga, Kereta Mainan,  
Patung Beruang, Buku Lukisan, Tikus,  
Berus Warna, Jam Tangan dan Kasut.**



**DOA**  
**MEMOHON**  
**DIPERMUDAHKAN URUSAN**

اللَّهُمَّ لَا سَهْلَ إِلَّا مَا جَعَلْتَهُ سَهْلًا ،  
وَأَنْتَ تَجْعَلُ الْحَزْنَ إِذَا شِئْتَ سَهْلًا

**Ertinya:**  
***“Ya Allah! Tiada kemudahan melainkan apa yang Engkau jadikan mudah dan perkara yang susah boleh Engkau jadikan mudah apabila Engkau menghendakinya.”***

